

# Օրվա դասի պլան

29 /11/ 2023թ.

Վայոց ձորի մարզ Սարավանի հիմնական դպրոց

Դասվար՝ Մարիամ Հակոբյան

**Դասարան** – 4 -րդ

**Առարկա** - Երաժշտություն

**Թեմա** - «Կոմիտաս», նախագծային աշխատանքի ցուցադրում, ներկայացում

**Օգտագործվող նյութեր** – Սովորողների պատրաստած պաստառներ, ուսումնասիրությունների ընթացքում գրված պլակատներ, Ձևավորող գնահատման տեսակ՝ «Ինքնագնահատման անիվ >>, ահիկաշար:

**Նպատակը** – Հայ ազգային երաժշտության հիմնադիր, կոմպոզիտորական դպրոցի ներկայացուցիչ մեծ Կոմիտասի կենսագրական տեղեկատվության, նրա ստեղծագործական կյանքի մանրամասների մասին ծանոթանալու և զարգացնելու կարողունակության զարգացում: Հայ ազգային երաժշտությունը Կոմիտասի հորովելները, աշխատանքային, ծիսական երգերը ճանաչելու և սիրելու կարողունակության ձևավորում, զարգացում:

**Վերջնարդյունքներ** – Սովորողները կարողանան ներկայացնել իրենց ստեղծած աշխատանքը՝ սահիկաշարի միջոցով: Մտքերն արտահայտեն պարզ՝ չշեղվելով թեմայից: Ճանաչի և գնահատի հայ կոմպոզիտորական դպրոցի հիմնադիր Կոմիտասի ստեղծագործությունները, հետաքրքիր պատմությունները կոմիտասի կյանքից, ներկայացնի երգը մենակ և խմբով: Նկարագրի իր ստացած տպավորությունները, լրացնի իր «Ինքնագնահատման անիվը»՝ կատարելով վերլուծություն:

**Դասի ընթացքը.**

Ուսուցիչ	Սովորողներ
<p>. Սովորողներին ներկայացնում է նախագծային աշխատանքը ցուցադրելու, ներկայացնելու կարգը, նպատակը, աշխատանքի ընթացքում մտքերն հստակ , ազատ արտահայտելու կարևորությունը, բարեվարքության կանոնների պահպանումը:</p>	<p>. Ներկայացնում են իրենց պատրաստած աշխատանքները, պատասխանները, պլակատները Կոմիտասի նկարներով և նախապես արդեն բաժանված թեմաներով: Քննարկեցին իրար օգնելիս նյութերը ձեռք բերելու կարևորությունը նախագծային աշխատանք կատարելու ընթացքում:</p>
<p>. Հարցերի մտազրոհի միջոցով սովորողներին առաջարկում է վերհիշել իրենց նախագծային աշխատանքը ստեղծելու ընթացքը, աշխատանքի բաժանումը սովորողների միջև, ո՞ր S2S – ներից են օգտվել , ի՞նչ նորարարություններ են կատարել, ի՞նչ նոր բացահայտումներ են իմացել Կոմիտասի կյանքից:</p>	<p>. Պատմեց ին , թե որ S2S- ներից են օգտվել , ինչպես են աշխատել, ուսուցչի խորհուրդները , աջակցությունը ինչքան է օգնել իրենց: Լրացուցիչ գրականությունից օգտվելիս ընտրել են Կոմիտասի նկարներ, որոնք կապված են իրենց բաժանված թեմաների հետ:</p>
<p>. Սահիկաշարի ներկայացման ընթացքում ուղղորդել սովորողներին պահպանել զետեղված տեղեկատվական նյութերի պատշաճ ներկայացմանը: Վեր հանել նոր բացահայտումները Կոմիտասի ստեղծագործությունների վերաբերյալ, օժանդակ տեսագրություններից օգտվելիս պահպանել արդեն ուսումնասիրված նյութի հաջորդականությունը, օգնել սովորողներին ներկայացնել:</p>	<p>. Սահիկաշարի ցուցադրությունը, ներկայացումը սկսվեց Կոմիտասի կյանքի վերաբերյալ տեղեկություններով: Մանկությանը, հետագա ուսմանը երաժշտական կրթության կատարելագործման նպատակով այլ երկրներ գնալը: Հետագայում հայ ազգային երգի տարածմանը, մշակմանը և գրի առնելու հսկայական աշխատանքը:Դրվագներ բերվեց և ցուցադրվեց :</p>
<p>. Անհատական և խմբով երգեր կատարելիս ձայնակցել երեխաներին, որպեսզի երգերը կատարեն երգի բնույթին համապատասխան մաքուր և արտահայտիչ, նուրբ հնչերանգով: Անդրադառնալ աշխատանքային երգերին և հորովելներին , պարելիս հետևել ռիթմի պահպանմանը:</p>	<p>. Պատմեցին հետաքրքիր դեպքեր Կոմիտասի կյանքից, նրա գեղջկական երգեր, հորովելներ ստեղծելու պատմություններից: Երգեցին&lt;&lt;Կաքավիկ&gt;&gt; երգը պահպանելով մաքուր հնչերանգ ,վերլուծեցին ունկնդրած հորովելը, կատարեցին&lt;&lt;Թամզարա&gt;&gt;պարը:</p>
<p>. Կշռադատման փուլում անդրադարձ կատարել ստեղծված նախագծային աշխատանքի &lt;&lt; պրոդուկտի&gt;&gt; քննարկմանը, արդյունքին ձևավորող գնահատման գործիքներից մեկի՝ Ինքնագնահատման անիվի բացատրում և կիրառում:Առաջադրվեց &lt;&lt;Ո՞վ է ուզում դառնալ&gt;&gt; միլիոնատեր ռեսուրս:</p>	<p>. Ամփոփեցին իրենց ստեղծած&lt;&lt;պրոդուկտը&gt;&gt; ,անդրադարձ կատարեցին ողջ աշխատանքի ընթացքին:Միտով կատարեցին LearningApps – ի էլ.ռեսուրսը՝ &lt;&lt;Ո՞վ է ուզում դառնալ միլիոնատեր&gt;&gt; խաղը: Կատարեցին Ինքնագնահատման անիվի աշխատանքը և պարզաբանցին:</p>



